



Nuuk 1. juni 2016

Matumuuna Inatsisartut suleriaasianni §37 naapertorlugu Naalakkersuisunut apeqqutit imaattut ingerlatippakka:

Apeqqutit:

- 1. Aalisarnermut Piniarnermullu Naalakkersuisoq isumaqataava Naalakkersuisut 2016-imut Aningaasaqarnikkut Ingerlatsineq pillugu Nalunaarusiaanni allassimasut malillugit sinerissap qanittuani aalisartut ikilisarneqarnissaat siunniunneqassasoq?**
- 2. Aalisarnerup inuussutissarsiutiginerani maannakkut kalaallinik naammattunik naalagaarassaqaqannginneq pissutigalugu (naalakkat, aquttut kiisalu maskinalerisut) aalisarnermi avataaniit sulisussarsiortoqartoq, imaasinnaasorlu naalakkat avataaneersut ilaatigut avataasiortuni sulilernerimikkut nuna najugartik takusarsinnaaniassagamikku atorfininniartarsinnaanerit tunngavilersuutaasoq ikkappallaanngila?**
- 3. Tassa massakkut nunatsinni nunaqavissutut nalunaarsorneqarsimasunik aqumioqartalernissaq naalakkersuisut neriorsuutigisinnaavaat?**
- 4. TAC eqqarsaatigalugu sinerissap qanittuani avataasiortunilu pisassat agguarneqartut pillugit 50/50-ip atuutsinneqalernissaa naalakkersuisut sukkanerpaamik imaluunniit qaqugu atuuttussanngortinniirpaat?**
- 5. Kilisaatini inuttat aqumiullu akissarsiaat illersorniarlugit inatsisiliornikkut aalajangersagaliarluni sunneruminaallisaanissaq, taamaalilluni akitsuusiinikkut allatigullu akinik qaffaasarnikkut aqumiut kilisaatinilu inuttat aningaasarsiornermikkut eqqornerlunneqarsinnaajunnaarnissaat naalakkersuisut sulissutigivaat?**
- 6. Sooq naalakkersuinikkut ilisimaneqaqanngila kalaallit umiarsuarni officeritut atorfinissinnaasutut ilinniarnikut qasserpiaangersut, naak tunngavilersuutigineqartoq kalaallit ilinniarsimasut amigarmata atorfinitsinneqarsinnaasut nunatta avataaneersuunerusut?**
- 7. Naalakkersuisut ima allapput: "kilisaatini akissarsiaasartut nunatsinni qaffasinnerpaat ilagaat. Kalaallit Nunaannilu akileraaruteqartaraluartoq amerlasuutigut akissarsiat nunanut allanut nassiunneqartarput. Taamatut Kalaallit Nunaat atuinerunikkut isertitassaraluminik kiisalu toqqaanngitsumik sunniutaasigut suliffissaqartitsiniarnikkullu annaasaqartartoq". Tamanna agguaqatigiissillugu ukiumut aningaasanik qanoq annertutigisunik annaasaqarfiusarpa?**
- 8. Aningaasat aniasut naatsorsorneqartarsimangippata kiap tamanna akisussaaffigaa?**
- 9. Naalakkersuisut nangittumik anguniarpaat aalisarnermi pisassat niuerutigineqarsinnaasut aammalu niuerutigineqarsinnaanngitsut siunissami piginnittunut ikittunuinnaq katersuukkiartornerat ingerlaannassasoq?**

10. **Taamaassimangippat qanoq ililluni pisassaq piginnittunut amerlanerpaanut siammarniarsaraat?**
11. **Aaqqissuuseqqinnermi aalisarnek aqqutigalugu aningaasat isertinneqartussatut pilersaarutaasut ukiuni aggersuni qanoq annertutigisut naalackersuisoqarfimmiit ilimasaarutigineqarsinnaappat?**
12. **Nunaqavissut aalisartuunissaat, aqumiunissaat, aalisariutitik piginnittuunissaat, pisassanik tunngaveqarlutik pisassinneqartarnermikkullu qularnaveeqquserneqarlutik siuarsarnissaat aalajangiutivillugu naalackersuinikkut naqissusiinissaq Aalisarnermut Piniarnermut Nunalerinermullu Naalackersuisup tunngavissinniarpa?**
13. **Aalisarnermut akuersissutit nunatta kujataani aalisalerumallutik qinnuteqartuniit qinnuteqaataasut, suliffissaqartitsiniarnikkut aningaasarsiornikkut ineriartornermullu siuarsaataasussat nutaatut pilersutut akuerlugit aalisartinneqarnissaat aallartissinnaaqqullugu akuersissutitik tunioraanissaq naalackersuisuniit nangaanartoqartinneqarpas? Suut tunngavigalugit?**
14. **Avannaani titarniliilluni aalisartitsineq aalisarfeqartitsinerlu pillugu aalisartut qanoq amerlatigisut unioqqutitsisimasutut nalunaarutigineqarsimappat?**
15. **Titarniliilluni aalisarfik eqqarsaatigalugu inatsisiliornerup kingorna pitsaaqutit ajoqutaasinnaasullu pisimasut tunngavigalugit aqquasaarsimasallu qanoq inneri tunngavigalugit naalackersuisut nalilersorsinnaavaat?**
16. **Aalisarnermut akuersissutit pappilianggorlugit tunniussat qassiuppat?**
17. **Akuersissuteqarlutik aalisartut inuit qassiuppat?**
18. **Akuersissuteqaratik immikkut akuerineqarlutik aalisartunik peqarpa?**
19. **Avaleraasartuunit pisassiineq nunaqavissut inerisarnissaannik periarfissiisoq aamma nutaat siuarsarlugit qulakkeerlugillu naalackersuisut pisassiissappat?**
20. **Aalisarnermik inatsisip suliareqqinnissaa eqqarsaatigalugu pisassiissutit nunatta avataanut pisassiissutaasarnissaat naalackersuinikkut sulit siunnerfigineqarpa? Qanoq annertutigisut?**
21. **Inuiaqatigiit pisuussutaat uumassusillit aalisarnekarnissaasa aningaasarsiornikkut nunatsinni kisimi aalisartuniit iluanaarutigineqartalernissaat siunnerfigineqarpa?issarlu**
(Inatsisartuni ilaasorta q Aqqaluaq B. Egede, Inuit Ataqatigiit)

Tunngavilersuut:

Naalackersuisunut apeqqutigisakka aalisarnek pillugu sulinitinnut paasisassanik pingaarutilinnik ima qarput. Tunngaviuvoq apeqquteqarninnut suliasat aalajangiiffigisassallu annertuut sulit ersarissumik Inatsisartunut saqqummiunneqanngimmata. Taamaammat apeqqutit ingerlareersut akineqaannarissatut isigalugit apeqquteqarpunga. Tassami naalackersuisoqarfiup suliat ingerlateriigaat arlallit apeqqutigineqarmata.

Kissaatigaara apeqqutit ullut qulit qaangiutsinnagit Naalackersuisumiit akineqassasut.